



OPĆINSKO VIJEĆE ILIJAŠ

**Odgovori na vijećnička pitanja i inicijative sa 23. sjednice Općinskog vijeća Ilijaš
održane dana 27.09.2018.godine**

Ilijaš: Oktobar 2018.godine

Općina Ilijaš, ulica 126. ilijaške brigade br. 6., 71380 Ilijaš
tel. (++387 33) 580-620, fax. 400-505, e-mail o_ilijas@bih.net.ba
Služba za saobraćaj, stambeno-komunalne poslove i građenje
tel. (++387 33) 580-633, 580-672, 580-669



Broj certifikata:CR14625Q

SEMIR DIZDAREVIĆ – nezavisni vijećnik

Pitanje: "Imaju li nadležne Općinske službe informacije vezano za azil pasa u Mrakovu?"

Obrazloženje: Stanovnici MZ Mrakovo su me zamolili da uputim ovo pitanje, jer stanovnici imaju problem sa tim improviziranim azilom. Širi se nesnosan smrad naseljem, naveče je bučno pa stanovnici ne mogu spavati, a pored svega toga par puta se dešavalo da ti psi pobjegnu iz tog azila. Desilo se i to da su psi iz tog azila napadali djecu o čemu ima i policijski zapisnik. Navodno su stanovnici uputili peticiju prema predsjedniku mjesne zajednice gosp. Mehmedu Smajloviću. Molim za informaciju da li je iko išta poduzeo po ovom pitanju?"

Odgovor: Zahtjev broj: 03/2-23-1667/18 od 16.07.2018. godine, koji se odnosi na problem "Azila" za pse u naselju Salkanov Han, MZ Mrakovo je dana: 23.07.2018. godine dostavljen KU za inspekcijske poslove, na nadležno rješavanje. Podnosilac zahtjeva je istog dana pismeno o tome obavješten.

Pitanje: "Molim Službu za saobraćaj, stambeno-komunalne poslove i građenje da mi odgovori na par pitanja o svojim aktivnostima na području MZ Misoča, naselje Dedići, a vezano za moja pitanja i inicijative sa 14. sjednice Općinskog vijeća održane dana 30.11.2017. godine. Obrazloženje: Na pomenutoj sjednici sam uputio par pitanja i inicijativa vezano za naselje Dedići u Gornjoj Misoči.

Pitanja su bila:

- Da li je u planu postavljanje cijevi u potok kod mjesta Zagonica u naselju Dedići?
- Da li je u planu rekonstrukcija i obnova puta za naselje Dedići?
- Postoji li mogućnost uklanjanja ruševnih objekata koji se nalaze duž puta prema naselju Dedići?

Na svako od ovih pitanja dobio sam isti odgovor: "U 2018. godini služba će izaći na pomenutu lokaciju, te za postavljanje cijevi u potok – sačiniti predračun, razmotriti opravdanost realizacije, za rekonstrukciju puta sačiniti predračun, te pokušati rekonstruisati put, utvrditi činjenično stanje i u skladu sa Zakonom pokrenuti postupak".

Molim da mi se dostavi informacija da li je do danas Služba izlazila na pomenutu lokaciju? Ako jeste, da mi se dostave zapisnici sa izlaska na teren, datum kada su bili na pomenutoj lokaciji? Ko je bio prisutan ispred Službe i šta je Služba utvrdila? Hoće li išta rješavati po ovim pitanjima? Hoće li se išta od ovih radova planirati za Budžet 2019. godine? Ako nije, zbog čega nije, jer je prošlo skoro godinu dana od mojih pitanja i vaših odgovora i ako niste izlazili na lice mjesta, zahtijevam hitan izlazak Službe, a najkasnije do naredne sjednice Općinskog vijeća?! U prilogu ovog pitanja dostavljam vam kopiju mojih pitanja upućenih na 14. sjednici Općinskog vijeća kao i vaše odgovore koji su došli uz materijale za 15. sjednicu OV-a. U svakom slučaju očekujem pismeni odgovor".

Odgovor: Služba je izlazila na teren, utvrdila činjenično stanje i konstatovala da nije neophodno izvršiti ucjevljivanje potoka iz razloga što su nedavne vremenske neprilike ukazale da ucjevljivanje potoka na tom dijelu nanosi štetu domaćinstvima. Služba smatra da treba izvršiti uređenje korita kao otvorenog vodotoka.

Rekonstrukcija puta nije planirana Operativnim planom Općinskog Načelnika i Službi za 2018. godinu. Služba će shodno prioritetima i prijedlozima MZ-a planirati rekonstrukcije puteva shodno raspoloživim sredstvima.

Služba je izlazila na teren i ustanovila da su ruševine na privatnoj imovini, da nisu u ruševnom stanju da bi ugrozili prolaznike.

ADEM ALIĆ – vijećnik SDA

Inicijativa: "Pokrećem inicijativu prema Direkciji za ceste Kantona Sarajevo, da se na krivini u Popovićima i Glavici - Salkanov Han postavi zaštitna ograda. Obrazloženje: Na navedenim dionicama u toku zime, pogotovo kada je snijeg i poledica, te mokar put, postoji stalna opasnost od slijetanja sa tog puta, gdje se ugrožava život građana i djece na navedenom području".

Odgovor: Inicijativa je dostavljena Direkciji za puteve Kantona Sarajevo.

MEHO DŽINDO – vijećnik LDS-a

Inicijativa 1: "Pokrećem inicijativu prema nadležnom ministarstvu Kantona Sarajevo da se postave ogledala za regulisanje saobraćaja na raskrsnici Novo Naselje-Gornje Mrakovo.

Odgovor: Lokalni put je u nadležnosti Općine i kroz održavanje puta će biti razmotreno postavljanje ogledala obzirom da je na toj raskrsnici uništeno postavljeno ogledalo.

Inicijativa 2: "Pokrećem inicijativu da se postave dva kontejnera za odlaganje smeća na relaciji raskrsnica Haluge-put za Čuture i raskrsnici Haluge-Donje Mrakovo.

Odgovor: Općinska Služba sa predstavnikom KJKP "Rad" d.o.o. Sarajevo će u narednom periodu izvršiti provjeru prostornih mogućnosti za postavljanje kontejnera.

RASIM ŠEHIĆ – vijećnik SDA

Inicijativa: "Pokrećem inicijativu prema Direkciji za ceste Kantona Sarajevo da izvrši sanaciju puta na relaciji Nišići-Rakov Kamen u MZ Kamenica (Crna Rijeka).

Obrazloženje: Na pomenutom putu koji je u nadležnosti Direkcije za ceste Kantona Sarajevo, već duži vremenski period pojavila su se oštećenja koja je neophodno blagovremeno sanirati kako se ista ne bi proširila i tako nastala još veća šteta za čiju sanaciju će biti potrebna znatno veća materijalna sredstva. S tim u vezi, nadam se blagovremenoj reakciji nadležne direkcije".

Odgovor: Inicijativa je dostavljena Direkciji za puteve Kantona Sarajevo.

ANEL BUMBULOVIĆ – vijećnik SDA

Pitanje: "Upućujem pitanje Direkciji za ceste Kantona Sarajevo, u kojoj fazi se nalazi projekat postavljanja horizontalnih usporivača saobraćaja u naselju Podlugovi na dionici regionalne ceste između pružnog prelaza i raskrsnice prema Brezi?

Obrazloženje: Na jednoj od prethodnih sjednica OV-a pokrenuta je inicijativa za postavljanje horizontalnih usporivača saobraćaja (tzv. ležećih policajaca) na navedenoj lokaciji, te smo dobili odgovor da je u toku priprema dokumentacije. Moram još jednom napomenuti da se na navedenoj dionici puta svakodnevno kreće veliki broj učenika iz naselja Ljubnići, obala Bosne i INA-Makljen prema Osnovnoj školi "Podlugovi". Zato vas molim, nemojte dozvoliti da se desi neka nesreća, nego djelujte preventivno.

Odgovor: Inicijativa je dostavljena Direkciji za puteve Kantona Sarajevo.

Inicijativa: "Pokrećem inicijativu prema nadležnim općinskim službama za postavljanje saobraćajnog ogledala na dionici lokalnog puta u Podlugovima (između pružnog prelaza pruge prema Brezi i uključenja na regionalnu cestu kod trgovine "Jabuka").

Obrazloženje: Na pomenutoj dionici lokalnog puta svakodnevno se kreće veliki broj automobila, pješaka i učenika, a zbog izgrađenih ograda i polažaja lokalnog puta vidljivost na toj dionici je slaba ili nikakva.

Odgovor: Inicijativa je dostavljena Direkciji za puteve Kantona Sarajevo.

Služba za saobraćaj,
stambeno-komunalne poslove i građenje